

Landesbibliothek Oldenburg

Digitalisierung von Drucken

**Dōdekaphrēton, Sive Theologia Prophetica, Ex Vatisbus
XII. Minoribus Secundum Seriem Articulorum Fidei**

Majus, Johann Heinrich

Giessæ Hassorum, Anno MDCCIII

VD18 11197021

Locus XXVII. De Novissimis In Genere.

urn:nbn:de:gbv:45:1-17399

socialitate provenit , & cum primis è conjugio ; uxor enim viri *socia* est , ex fædere divino ei data. Unde quæ Conjugum officia sint , nullo negotio efficitur , nec ea commemorare necesse est.

§. II. Patriam & Herilem societatem , ac quæ observanda utrobique sint officia , vel ex his verbis Mal. I, 6. luculenter & breviter colligitur : *Filius honorabit Patrem , & servus Dominum suum.*

LOCUS XXVII.

DE

NOVISSIMIS IN GENERE.

Etymolog.
& Homo-
nymia.

Existentia.

Causa effic.
Materia.

Forma.

Signa &
tempus.

Novissimorum vox in Scriptis Propheticis latè patet , ac omne illud tempus complectitur , quod Messia dicitur , sive totum periodum regni Christi , à primo ejus adventu usque ad ultimum. Hoc sensu occurrit Hos. III, 5. Joël III, 1. coll. cum Acto. 2, 17. Unde constat , ad Novissima referri etiam Conversionem Judæorum , & Iudicia Dei varia ac prodigia , finem Mundi antecessura. Malachias etiam meminit diei Domini magni & terribilis , & adventus , quem sustinere impii nequeant , cum sit *instar ignis conflatoris* , III, 2. 23. quem tamen non de die & adventu Christi ultimo intelligendum esse , fatetur *Tarnovius* , & res ipsa probat ; licet alii viri docti id propugnant. Fortassis conciliari commode , quæ discrepare videntur , sententiæ , possunt , si dixerimus diem Domini terribilem de omni Dei judicio dici , sive universale sit , sive particulare. Conflagrationem igitur & consummationem Mundi etiam hoc referri , ac diem Domini dici posse , dubio vacat ; quanquam ea ipsa quoque in Veteri , Zeph. I, 18. III, 8. & in Novo Test. modo latius , modo strictius accipiatur , Matth. XIII, 39. s. XXVIII, 20. 2. Petr. III, 7. Certo futura & eventura novissima omnia inde irrefragabiliter evincitur , quia Deus , mentiri nescius prædictus , & fidem ipso complemento quibusdam vaticiniis jam fecit. *Causa* igitur efficiens consummationis est Deus trinus , impellens ira & justitia ejus , Zepha. loc. cit. *Materia* , **הָר֔ץ כָּל** tota terra , non Istrælitica tantum , sed omnis & universa , sive totus mundus. Conf. Hagg. II, 6. coll. cum Hebr. 12, 26. *Forma* verbo & **כָּל** consumandi & devorandi innuitur , & totalem finalēque alicujus rei consummationem indicat. *De signis & tempore* nîl certi habemus , quod

quod definiamus. Quædam illa sint prodigia in cœlo ac terra, quorum Joël III, 3. s. mentionem facit, altioris res est indaginis, & conscripsi possunt eum Matth. 24, 29 Apoc. VI, 12. ss. Finis est piorum atque fidelium consummata salus, impiorum perditio & poena æterna. Malach. III, 17. ss.

Finis.

LOCUS XXVIII.

DE

M O R T E.

Mortem esse separationem animæ à corpore, vel illa Jonæ verba docent, quibus IV, 3. à Deo petit, ut anima sua à se auferatur. Accipe, queso! inquit, animam meam à me; id est, dissolve animam meam ex hoc corporis ergastulo, & recipe ad te. Quomodo Scriptura figurate mortem describit, 1. Reg. XIX, 4. Joh. 19. 15. Mox clarius se ipsum explicat, dicens: Melior est mors mea quam vita mea. Unde & dari morteni, & quid sit mors, liquet. Neque enim anima interit cum corpore, sed si quis in Domino moritur, ea à Domino recipitur. Atque sic quoque mortem tanquam bonum quid appetere licet, ut per mortem hanc ad veram vitam Deique fructu nem perveniamus; non vero ex impatientia, desperatione, aut tædio vitae, quod in Jona Deus reprehendit, v. 4. Vitæ terminum dari, eum tamen non fatalem esse, nec absolute constitutum, sed ordinate, id est, hominum pietate vel impietate, ac mediorum à Deo ordinatorum usurpatione & contemtu limitatum, liquido ex eodem Vate Jona colligitur, qui Ninivitis excidium denunciavit, expleto quadraginta dierum spatio exspectandum; non tamen absolute, sed si pœnitentiam interea non agerent. Cum vero à viis suis malis converterentur, pœnituit Deum super malo, quod locutus fuerat, ut faceret eis, & non fecit, Jon. III, 4. Mortem alieni temporaleri esse, aliam æternam, satis notum est. De hac loquitur Messias apud Hosseam c. XIII, 14. è manu inferni redimam eos, & è manu mortis liberabo eos, ero pœfis tua, ô mors &c. cui omnes ob peccatum obnoxii sunt homines, omnes tamen Salvator redemit, & omnes liberari inde possent, si vellent serio & salutem partam sibi applicarent. Deus enim non vult mortem morientis, sed ut convertatur & vivat coram ipso in æternum, Hos. VI, 1. 2. Peccatum nos omnes perdidit, ut Israëlem;

Definitio.

An mors appetenda?

Vitæ terminus.

Mors æterna.

Subjectum.

M

lem;

